

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家 古籍书城

在文川网搜索古籍书城 获取更多电子书

docsriver 文川网
入驻商家
在文川网搜索古籍书籍获取更多电子书

中國方志叢書·華中地方·第四六七號

據 永樂大典本 影印

江蘇省

南京



成文出版社有限公司印行

10098009

中華民國七十二年三月臺一版

南
京

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

印刷者：上林彩色印刷有限公司

電話：三九一六四一六（五線）

台北市大理街145號

新聞局出版登記證：局版台業字第一四三號

永樂大典卷之七千七百一

十九庚

京

地理通釋

南京

地理通釋唐肅宗實錄至德二年改蜀郡為南京以荊州為南都州曰江陵府其有郢州為南京並後為蜀郡南京應天府開

伯所居商丘周為宋國漢為梁國隋唐為宋州太祖以歸德軍節度使即位定有天下之號曰宋景德三年升應天府祥符七年升南京正統曰歸德高宗即位于此宋會要真宗景德三年二月詔曰惟陽與區平臺舊漢兩漢之盛並建於咸藩五代以還存升於節制地望雄於征鎮僮理接於神州實都畿近輔之邦乃帝業肇基之地恭惟聖祖誕慶鴻圖爰於歷試之初恭頌元戎之奇誕謠所集符命存錄殆茲累朝俯同列郡式昭茂烈宜錫崇名用彰神武之功且表興王之盛宜升為應天府宋城縣為次亦寧陵楚丘柘城下邑較熟虞城等縣並為次畿大中祥符七年正月二十九日詔曰惟水名區實一方之都會商丘與梁為三代之舊邦形勢表於山河忠烈存於風俗惟文祖之歷試蓋王命之初基今者仲欵謁於楹庭

宋會要

docsriver 文川网
入驻商家 古籍书城

在文川网搜索古籍书城 获取更多电子书

燕翼考

夏文莊公集

既揚茂則徇侯來於竹苑方需湛恩期克壯帝猷俾肇所京邑用志興王之地允符追孝之心應天府宜升為南京正殿以歸德為名咨爾都民承于世德慶靈所佑感忱良多二月一日詔名南京門曰崇禮雙門曰祥輝外西門曰迴鑿三日以主客郎中知應天府馬元方兼南京留守司事合置官屬名目下審官院流內銓一如西京之式三月十三日詔名南京城大東門曰昭仁小東門曰延和小西門曰順成北門曰靖安新隔門曰承慶仁宗慶曆五年九月十八日置南京留司御史臺燕翼詒謀真宗皇帝東封西祀思顯先烈大中祥符七年正月乙卯詔升應天府為南京建行宮正殿以歸德為名以聖祖殿為鴻慶宮奉太祖太宗像侍立於聖祖之旁其後遂開高宗皇帝中興之祥殆非偶然者宋史列傳宋勝非靖康元年為東道副總管權應天府全人攻城勝非逃去會揚進破敵復還視事踰年詣濟州謁康王言南京為藝祖興王之地請幸之以圖大計王即位南京建炎改元夏文莊公集乞修南京內狀右臣伏覩大中祥符七年二月一日赦勅節文應天府升為南京正殿以歸德為名臣到職後躬詣大內謹視完備其正南內門上有先朝題其榜曰重熙頌慶之門樓皆損動其下只是依舊雙門未變列郡之制雖有兩觀堆堞又無朵樓內城之

中並無歸德之殿但是顏垣茂草內有真宗皇帝御製御書南京御製
詩碑石一片小屋遮蔽未曾建立其東北隅小亭子一座內有先皇御製
御書駐蹕詩四首粉版門牆不嚴塵埃所間臣職在居守理合奏陳者伏
以箇丘仰當大火寶勢形勝佳氣鬱蔥藝祖肇基之邦聖朝根本之地發
祥薦祉應天順人由七十里而興天乙是資於景亳崇三十世之王文昌
始大於岐周用建名都寔陪上國與中天而對峙企洛宅以相望至于官
局解居咸從改革而乃闕廷宮掖悉未繕修漢啓南陽之都唐重北門之
館並資壯麗以示威神况茂陵之餘烈方宣真廟之鳴鑾未遠必欲仰模
太紫上憲俯取備九寢之儀敵千門之式慮煩力役或有費財征臣今乞
依先朝勅旨只創歸德一殿安駐蹕詩版又以宮室之儀門闕爲重猶取
諸侯之制未成王者之都欲乞於南端開正門三闕東西增築棧二座所
貴它工至鮮不日可成仍乞選差八作司臣寮將帶工匠到此計度却於
東京木場事造材植禁掖浮汴赴當京修蓋伏望聖慈特賜開可所貴官
闕之度稍合於彝章祖始之基益隆於景命有光鴻祚永膺皇圖歐陽公
集南京謝上表 皇祐二年七月 臣某言伏蒙聖恩就差臣知應天府兼南
京留守司事臣已於今月二十四日赴上訖者守宮鑰之謹嚴敢忘夙夜

梅聖俞宛陵集

虞備專白
許綸詩

洪适盤洲集

布政條之纖悉上副恩憂寄任非堪統營並集臣某中謝伏念臣賦才庸
薄稟數奇也毀譽交與兩省過實寵榮踰分勤輒招尤念報效之未伸敢
不竭忠而盡瘁困風波之可畏則思遠去以深藏迨此六年外更三守學
偷安而杜口負素志以愧心朽質易衰已凋零於齒髮良時難得尚希慕
於功名豈謂皇慈未捐舊物擢從支邵委以名都惟此列京舊當孔道薄
領少勤於職事厨傳取悅於路人苟循俗吏之所為難能免過非有古人
之大節未足報君梅聖俞宛陵集送王宗說寺丞歸南京 晏歲欲飛雪
滿天含凍雲犯寒單騎速獵吹紫裘薰庭鵲還先喜池鴻去始聞公應問
貧賤善說莫如君 送韓發判王汝選南京府 賀太極 天子甘泉祀歡
聲決九圍綠章馳騎入朱服佩魚歸賦雪上賓席買紫更舞衣清池無限
鴈莫道信音稀虞備專白堂集過南京 三蘇當日振英華下榻相看意
已佳太息樂全無復見舊盧聞蜀女真家許綸詩宿南京 訪賈有兵
三十人 宋城下 蘇虛說胡也五萬兵淒涼無復舊南京 天王氣終當
復千古封疆只宋城洪适盤洲集次韻南京道中 密葉成陰行路寬
鳴鶯轉足開顏半金泥滑夜來雨數片雲飛何處山薄暮每尋樽俎共殘
春能伴節旄還塵襟好濯西湖水偷取禪房一日閑 送劉元忠學士還

南京 昔見相公登瀛洲 今見公子為校讎 鯤鵬變化三十載 我生安得
 不白頭 君前拜恩父前慶 暫向南都乘順流 南都留守頗為喜 將吏入賀
 靴聲過酒并銀篋 羊鷄炙上下和煦 移涼秋歸來却上柳堤路 西風健馬
 控花虬 曾丰詩送孫莘老移知南京 稚年曾未覩風標 瀚海初聞控俊
 髦 國子先生曾並席 曾在明先生講下 蓬萊學士看揮毫 量涵萬頃滄溟
 濶 氣吐千尋太華高 達性妙思窮孔孟 公有十述述性是其一也 指南餘
 藻屈雄褒 兩惟之指 狂談經落落 鑑適輝 作五講飛步僊僊踏海鷲 試館
 職 忠力敢前輕獲尾 剛勝一决快吹毛 歸來有意成陶賦 謫去無言吊楚
 騷 志不下人寧碌碌 特非知我但鷲鷲 吳江春水尋幽寺 如湖州越嶺秋
 風聽怒濤 詩如福州 宣室鬼神靈語斷 長安鐘鼓夢思勞 廣陵南隔迷秦
 梓 泗水東來照節旄 如徐州 威愾四隅消 警吠惠流比屋樂 耕縹真仙應
 祝通特澤 朽骨平寬息夜號 蕭洒幅巾忘夢覺 清涼文室笑煙膏 淮陽大
 節孤尤峻 吏部雄材晚更豪 濫使執經稱弟子 虛煩解榻下功曹 曾迷馬
 祖山前鹿 煩悟葦亭水底鵝 細扎忽聞更屏翰 高才俄見列弓刀 照回天
 子今方悟 怒拂龍顏昔未遭 屈指陪京非久駐 太平功業待伊臯 遼史南
 京折津府 本古冀州之地 高陽氏謂之幽陵 陶唐曰幽都有虞 折為幽州

永樂大典卷七千七百一



尚併幽於其周分并為幽職方東北幽州山鎮醫巫閭澤藪襄養川河涉
 浸蓄特其利魚鹽其畜馬牛豕其技黍稻武王封太保奭于燕秦以其地
 為漁肆上谷右北平遼西東五郡漢為燕國歷封臧荼盧綰劉建劉澤劉
 且常置涿郡廣陽國後漢為廣平國廣陽郡或合于上谷復置幽州後周
 置燕及范陽郡隋為幽州總管唐置大都督府改范陽節度使安祿山火
 思明李懷仙朱滔劉忬劉濟相繼割據劉總歸唐至張仲武張允仲以上
 得民劉仁恭父子僭爭遂入五代自唐而晉高祖以遼有援力之勞劉幽
 州等十六年以獻太宗升為南京又曰燕京城方三十六里崇三丈衛廣
 一丈五尺敵樓戰槽具八門東曰安東迎香南曰開陽丹鳳西曰顯西清
 晉北曰通天拱辰大內在西南隅皇城內有景宗聖宗御容殿二東曰宣
 和南曰大內內門曰宣教改元和外三門曰南端左掖右掖左掖改萬春
 右掖改千秋門有接閣毬場在其南東為永平館皇城西門曰顯西設而
 不開北曰子北西城頗有涼殿東北隅有燕角樓坊市廨舍寺觀蓋不勝
 書其外有各廂松亭榆林之闕古北之口桑乾河高粱河石子河大安山
 燕山中有瑤興府曰幽都軍統盧龍開泰元年落平顯統州六縣十一兵
 衛志南京析津府統縣十轄軍府州城九有丁五十六萬六千金史地理

志南京路國初曰汴京貞元元年更號南京府三領節鎮三防禦八刺史
郡八縣一百五都城門十四曰開陽曰宣仁曰安利曰平化曰道遠曰宜
照曰利川曰崇德曰迎秋曰廣澤曰順義曰迎朔曰順常曰廣智宮城門
南外門曰南薰南薰北新城門曰登宜橋曰龍津橋北門曰丹鳳其門三
丹鳳北曰舟橋橋少北曰文武樓遵御路而北橫街也東曰太廟西曰郊
社正北曰承天門其門五雙闕前引東曰登闕檢院西曰登闕鼓院檢院
東曰左掖門門南曰待漏院鼓院西曰右掖門門南曰都堂直承天門北
曰大慶門門東曰日精門又東曰左昇平門大慶門西曰月華門又西曰
右昇平門正殿曰大慶殿前有龍堦又南有丹堦又南曰少堦東廡曰嘉
福樓西廡曰嘉瑞樓大慶後曰德儀殿殿東曰左昇龍門西曰右昇龍門
正門曰隆德內有隆德殿有蕭牆有丹堦隆德殿左曰東上閣門右曰西
上閣門皆南向鼓樓在東鐘樓在西隆德之次曰仁安門仁安殿東則內
侍局又東曰近侍局又東則嚴祗門宮中則稱曰撒合門少南曰東掖則
授除樓也西曰西掖仁安之次曰純和殿正寢也純和西曰雪香亭亭北
則后妃位也有樓樓西曰瓊香亭亭西曰涼位有樓樓北少西曰玉清殿
純和之次曰福寧殿殿後曰苑門內曰仁智殿有二太湖石左曰敦錫神

運萬歲奉右曰玉京獨秀太平巖殿曰山莊其西南曰翠微閣苑門東曰
 德韶院院北曰翠峯峯之洞曰大滌湧翠東連長生殿又東曰湧金殿又
 東曰蓬萊殿長生西曰浮玉殿又西曰瀛洲殿長生殿南曰闕武殿又南
 曰內儀庫殿祗門東曰尚食局又東曰宣徽院院北曰御藥院又北右儀
 庫東則左儀庫宣徽院東曰點檢司司北曰秘書監又北曰學士院又北
 曰諫院又北曰武器署點檢司南曰儀鸞局又南曰尚輦局宣徽院南曰
 拱衛司又南曰尚木局其南為紫禧門又南曰安泰門門與左昇龍門相
 直東則壽聖宮兩宮太后位也本明俊殿試進士之所宮北曰徽音院又
 北曰燕壽殿殿坦後少西曰振肅衛司東曰中衛尉司儀鸞局東曰小東
 華門更漏在馬中衛尉司東曰祗禱門少東南曰將軍司徽音壽聖東曰
 太后苑苑殿曰慶春與燕壽殿並小東華門與正東華門對東華門內正北
 尚廐局其西北曰臨武殿左掖門北尚食局南曰宮苑司其西北尚服局
 湯藥局侍儀司少西曰符寶局器物局又西則撒合門也嘉瑞樓西曰三
 廟正殿曰德昌東曰文昭西曰光興德昌後宣宗廟也宮西門曰西華與
 東華相直北門曰安貞洪武志與地志云鍾山古金陵山也縣邑之名由
 此而立建康寶錄云楚威王築城石頭置邑以其地接華陽金壇之陵故

號金陵於天文其星斗牛其次星紀秦始皇三十六年以金陵為鄣郡治故鄣三十七年東遊還過吳從江乘渡望氣者言五百年後金陵有天子氣因鑿鍾阜斷金陵長隴以通流至今呼為秦淮乃改金陵邑為秣陵縣諸葛亮所謂鍾山龍盤石城虎踞真帝王之宅漢承三代舊制置揚州統丹陽郡所領縣邑有今浙西浙東二道及浙東道之半吳晉宋齊梁陳代加分割隋立蔣州唐以隸潤州又改昇州管屬始隘於舊南唐建金陵府縣邑猶更屬不常宋初為江寧府改建康府始定有江寧上元句容溧水溧陽之地東西二百三十五里南北四百六十里東抵鎮江東南抵常州南抵寧國西南抵太平西抵和州西北抵真州以大江中流為界本朝應運肇基應天府實星紀斗牛之分且與三統之正相協自周以來數

十年間

帝王之運適符於今豈非曆數耶應天府志府境古揚州之域周顯王特越滅吳置金陵邑秦改為秣陵縣漢為丹陽郡地建安十七年改秣陵曰建業三國吳建都于此晉永嘉元年琅邪王睿鎮建業建興初避愍帝諱改建康元帝建都于此宋齊梁陳皆因之號京華神阜隋平陳置蔣州治石頭唐為揚州又改江寧又改昇州吳改金陵府南唐建都于此以為西都

昇州江寧府宋為江寧府高宗建炎二年改曰建康府紹興二年以府治為行宮號行都元至元十二年開行中書省後改建康路天曆二年以文

宗儲邸改曰集慶

大明丙申年改應天府洪武元年立南京北京詔曰奉

天承運

皇帝詔曰朕建邦基以成大業興王之根本為先居中夏而治四方立國之規模至重自趙宋末世夷狄入主中國今百有餘載其運乃終羣雄紛爭未見有定于一者民遭塗炭亦已極矣朕以布衣當撥攘之際披身戎伍率

衆渡江

天地眷佑

祖宗積德臣下宣忠三軍用命西平陳友諒東滅張士誠南靖閩廣北有中原武功大集混一之勢已成十七年間糧儲軍須百物料徵頻煩尤甚民無休息者皆江左一方受供給之繁遂致天下收平寧之效民初有助於朕其可忘乎頃幸大梁詢及父老皆曰昔聖人居中國而治四夷天下咸服朕觀中原土壤四方朝貢道里適均父老之言乃合朕志可不從乎然立國之規模固大而興王之根本不輕以金陵大梁為南北京朕亦春秋往

洪武京城圖志

來巡狩駐守播告爾民使知朕意至於立

宗社建宮室定朝市南京既以創置矣北京其令有司次第舉行於戲江左開

基立四海永清之本中原圖治廣一視同仁之心故茲昭示想宜知悉

洪武京城圖志春坊贊善王俊華圖志序 天地定位山川啓奧區之秘

宅中考卜河嶽壯金湯之固况乎神宰聖壤其所蓄也深則其待於今也大

聖人應期啓運故天發其藏地闢其會而體國經野之制固有以執瑩錫而跨

兩京者矣金陵控扼吳楚天整繚其西北連山拱其東南而龍蟠虎踞之

勢昔人之言蓋不誣也孫吳始創居之六朝南唐雜代有其地然而疆域

之廣未極其盛者意者天之所兆正有資於今日以啓一代王業之隆也

歟歲壬辰癸巳間天厭元德群雄並起

皇上龍興淮甸天戈南指吳越首入版圖乃默與神謀即定都于是辯方正位

立洪基造丕圖而郊鄒之蕭以定山若增而高水若增而深回抱環合獻

奇貢異而蒙光佳氣與斗牛星紀並麗乎太微帝車之間何其偉耶樹本

既固乃命將出師披山東下河南拔潼關而守之遂北推幽燕西臨汾晉

入陝右盡有秦隴之地凡元之餘燼皆來請命于庭故交廣之墟羌焚之

聚推結丹棠之區山梯海航咸奉琛致貢方軌畢至而京師之壯增飾崇麗輪蹄交集絲管喧競歲時士女填郭隘邪其宏盛氣象度越今古豈區區偏方閭位之可擬擬哉雖然

皇上經營締構蓋已極其盛矣然而遐方遠裔未覩其勝無以知

聖謨經綸之至爰詔禮曹命畫者貌以爲圖毫分縷折街衢巷隧之列橋道亭臺之苑名賢祠室之嚴邃王侯第宅之華好呈陳基布地有顯晦而沿革不同名有古今而表著無異凡所以大一統之規模者可以一覽而盡得之矣圖成并致請梓且摹之以徧示四方使天下之人足跡未嘗一至者皆得親其勝槩亦若聞和鑿之音望鸞車之塵於鈞陳豹尾間也大矣哉皇上之英謀偉略何其深且至耶且俊華遭際

明時庇職春坊謹拜手稽首而言曰自古聖帝明王之有天下也若夏殷之禪繼周漢之龍興唐宋之紹承莫不奮自西北徐起而有中土然後始得而制東南耳

皇上不階尺土乃以吳越之疆席卷中夏冰天丹雘之域雕題金齒斷髮文身之屬莫不重譯而至嘉禾靈草諸福之物史不絕書天命之所係屬如是夫湛恩厚德亘千萬年

聖子神孫承繼繼以保此無窮之基覽是圖首其尚有考於斯焉 又序詹事府丞杜澤

聖人代天理物為億兆之君師定天下之大業宅形勝之都邑不偶然也如堯舜禹都冀成湯居商周都豐鎬洛邑漢唐開中有宋居汴是皆統一海內以安黎庶此可見天降聖人有造設默定之意焉欽惟皇上當元綱糾紐之際合

上天更運之特應天順人特起中夏定都江左四征弗庭勝兵西上陳虜殲滅揚旗姑蘇張氏面縛天兵北討中原以清掃腥羶於幽朔殄么麼於蜀都群孽盡消京畿已固所謂大明當天而燭火熄也伏惟

皇上神聖聰明深謀遠略建泰山不拔之基為萬世無窮之計詳內略外經營邑都其龍蟠虎踞之勢長江衛護之雄群山拱翼之嚴此天地之所造設也若乃紫微臨

金闕煌煌黃道分玉街坦坦城郭延袤市衢有條六卿居左經緯以文五府處西鎮靜以武如十廟以祀忠烈十樓以待嘉賓此

皇上之所經制也以此觀之京師天下之本萬邦輻輳重譯來庭四海之所依歸萬民之所取正非速代七朝偏據一方之可侔也

皇上萬幾之暇命工繪圖昭示天下且叨近侍之列仰瞻

天日之光幸觀斯圖不勝感戴一披而金陵形勝了然心目之間非若前代所

觀徒有其名而莫能者其實也嗚呼盛矣哉因拜手稽首繫之以詩曰地

闕天開金陵大哉帝居允諧鍾山巍巍

聖德光輝奄有九圍大江滔滔

聖德深高地載天包鍾山蒼蒼大江洋洋

聖德隆昌自西自東朔南承風車書混同天命謀謀

聖子神孫萬萬年春愚且拜手

聖皇萬壽天

長地久

docsriver 文川网
入驻商家 古籍书城

在文川网搜索古籍书城 获取更多电子书

原
關



宮闕	奉天殿	華蓋殿	謹身殿	奉先殿	武英殿	文華殿	乾
清宮	坤寧宮	柔儀殿	春和殿	文樓	武樓	文淵閣	東角門
樓	西角門樓	奉天門	東角門	西角門	中左門	中右門	後
左門	後右門	左順門	右順門	武英門	文華門	春和門	午
門	左掖門	右掖門	左闕門	右闕門	社街門	廟街門	端門
承天門	廟左門	社右門	長安左門	長安右門	洪武門	東	
華門	東上南門	東上北門	東安門	西華門	西中門	西上南	
門	西上北門	西安門	玄武門	北上東門	北上西門	北安門	
觀	觀之門	已上皆宮門	朝陽	正陽	通濟	聚寶	三山
清涼	定淮	儀鳳	鐘阜	金川	神策	太平	已上皆城門
波	高橋	上方	夾岡	鳳臺	大馴象	小馴象	大安德
德	江東	佛寧	上元	觀音	桃坊	仙鶴	麒麟
山川	鍾山	一名蔣山	在城東北	周迴六十里	高一百五十八丈	東連	
青龍山	西接青溪	南有鍾浦	下入秦淮	北接雉亭山	漢末有林陵	尉蔣子	
文選	蓋死	葬于此	吳大帝為立廟	封曰蔣侯	大帝祖諱鍾	因改曰蔣山	
石頭山	按輿地志	環七里	一百步	緣大江	南抵秦淮口	山上有城	因以

為名吳孫權修理因改曰石頭城。今城於其上，甃以磚石，雄壯險固，甚得控制之勝。覆舟山，一名龍山，一名龍舟山，在今太平門內教場北。周迴三里，高三十一丈，北臨玄武湖，狀若覆舟。宋武帝又改名玄武山。鷄鳴山，舊名鷄籠山，在覆舟山西，周迴十餘里，高三十丈，狀如鷄籠，因名。今改鷄鳴山。宋元嘉中立儒館於北郊，命雷次宗居之。今置國子學於山之左，又建浮圖于上，以祠寶誌。石灰山，在城西北二十里，周迴三十里，高十丈。晉元帝渡江，王導建幕府於此，舊名幕府山，上有虎跑泉。仙人臺，獅子山，在儀鳳門北，與馬鞍山接，周迴十餘里，高三十丈，又舊名盧龍。

國朝以其形名之。馬鞍山，在清涼門與石頭城相接，西臨大江，高十五丈，以形似傳之。青龍山，在城東南二十餘里，周迴二十里，高九十丈。方山，一名天印山，在城東南三十里，周迴二十餘里，高一百一十六丈。四面方正如城，秦始皇鑿方山，長隴為瀆，入江曰秦淮。吳大帝嘗為葛玄立觀于此。聚寶山，在聚寶門外，雨花臺側，上多細瑪瑙石，因名聚寶山。今置欽天回回監于此。牛首山，舊名牛頭山，狀如牛頭，因名。周迴四十餘里，高一百四十丈。一名天闕山，中有石室，不測淺深，在西南二十

里。劉宋南郊壇在焉。三山。在城西南四十餘里。舊三山磯。周迴四十里。三峯連出大江。東岸高二十餘丈。吳津濟道也。太白詩云。三山半落青天外。即是。大江。自京城西南來。經西北東流入海。秦淮。舊傳秦始皇時。望氣者言金陵有天子氣。東游以厭當之。鑿方山。斷壑為清入江。故曰秦淮。玄武湖。亦名蔣陵湖。秣陵湖。在太平門外。周迴四十里。晉元帝所浚。以習舟師。又名北湖。宋元嘉中有黑龍見。因改玄武湖。有溝南入于秦淮。太子湖。一名西池。吳宣明太子所浚。晉明帝為太子。脩西池。多養武士於內。築土為臺。時人呼為太子西池。梁昭明植蓮於此。在鷄鳴山北。總缸湖。在佛寧門外。

國朝新開通江水。於此泊舟。以避風濤。清溪。吳赤烏四年鑿。東渠石清溪。通城北。整潮濤。以洩玄武湖水。舊有九曲。今上元縣南迤邐而西。循舊內府東南出。至府學墻下。皆清溪之舊曲。通秦淮。其竹橋。玄津昇平。復成淮清。栢川。鼎新。斗門。西虹。內橋。會同。等橋。皆此水所通。太平隄。在太平門外。

國朝新築。以備玄武湖水。其下曰貫城。以刑部都察院五軍銜事官在其西。皆執法之司。以天市垣有貫索星。故名焉。玉潤。在蔣廟側。綠山潤。是。

東澗 在鍾山宋熙寺基之東竹篠港 在觀音門外去城三十餘里

天地壇 在正陽門外山川壇東按古以南北二部分祭掃地以行事

國初嘗因之風雨寒暑屢致弗調

皇上斷自衮衷以王者父天母地無異祭之理乃以

天地合壇而祭配以

仁祖淳皇帝嚴以殿宇左右列壇以日月星辰岳鎮海瀆風雲雷雨山川太歲

歷代帝王天下神祇及府城隍之神從祀禮意極嚴定為萬世之制每歲

率以正月中旬親祀至為簡當自此年穀順成禎祥疊見社稷壇在

端門之右舊嘗分祭有乖禮意者多

皇上歷考古制互有不同以為五土生五穀所以養夫民者也分而祭之生物

之意若無所施於是合祭于一春祈秋報歲率二祀太廟在端門之

左龍江壇

國朝新建在金川門外凡

行幸出師親王之國則祀于此帝王廟

國朝新創凡古之聖帝明王下及歷代開基創業之君割治保邦之主能遠

法於後世者皆於此祀之廟在鷄鳴山陽城隍廟南唐在城西北元

在太廟街。

國朝初建斗門橋東今在鷄鳴山南。真武廟。宋太平興國二年置在清

化市東。今徙鷄鳴山南。卞壺廟。卽卞將軍廟。舊在朝天宮西治城。晉

蘇峻作亂。尚書令卞壺與其二子貯於死難。人謂忠孝萃于一門。南唐保

大中始建忠貞亭於其墓北。宋慶曆改亭曰忠孝。胡銓作記。

國朝建置鷄鳴山南。蔣忠烈廟。舊在蔣山之西北。神蔣姓。名子文。漢林

陵尉。逐盜至鍾山。為賊所傷死。而為神。甚有異迹在人。吳大帝為立廟。歷

代皆祀之。

國朝建于鷄鳴山南。劉越王廟。舊在上元縣東。相傳南唐劉仁瑋廟也。

國朝建置鷄鳴山南。曹武惠王廟。舊在聚寶門外。王諱彬。謚武惠。宋開

寶中。統兵平江南。不殺一人。邦人感之。為立祠。

國朝建置鷄鳴山。元衛國公廟。公名福壽。元末為南臺大夫。

天兵下。建瘞死之。謚曰忠肅。

國朝為立祠。鷄鳴山南。春秋祀焉。功臣廟。功臣廟。

國朝建鷄鳴山南。凡本朝開國元勳。功在社稷。澤及生民者。則祀于此。五

顯廟。今建在鷄鳴山。關羽廟。舊在針工坊。宋慶元年間建。今徙鷄

鳴山南。徐將軍廟。在獅子山。晏公廟。在定淮門外。無祀鬼神壇。在神策門外。

寺觀。靈谷寺。梁之開善寺。唐改寶公院。南唐改為開善道場。宋改太平興國寺。今名靈谷寺。從鍾山東南。鷄鳴寺。在鷄鳴山。

國朝新建。置寶公塔於寺後之山巔。百福寺。在石灰山東。

國朝所建。善世寺。元龍翔寺。在會同橋北。今改善世寺。徒聚寶門外。能

仁寺東。宋定林寺基。天禧寺。即古長干寺。宋名天禧寺。在聚寶門外

有塔。今名因之。能仁寺。舊在應天府學西。劉宋建名報恩寺。南唐改

為興慈院。宋改為能仁寺。今因之。徒聚寶門外。善世寺西。岩峯寺。在

聚寶門外。能仁寺北。

國朝所建。西天寺。在聚寶門外。天禧寺東。

國朝所建。鐵塔寺。在朝天宮後岡上。宋太始中建。號延祚寺。唐時建塔

寺內。宋名寺曰正覺。塔曰普照。今有塔無寺。朝天宮。在建安坊西。吳

冶城。晉西州宋總明觀。楊行密建紫極宮。宋改天慶觀。元改永壽宮。今名

朝天宮。下壺廟在其西。謝公墩在其北。神樂觀。在正陽門外。

大祀壇西。

國朝新建以居高道為樂舞生者大祭祀俾之滌蕩。盧龍觀。在儀鳳門內獅子山。

國朝新建

官署。文職。宗人府。在承天門外御街東。吏部。在宗人府南。

戶部。在吏部南。禮部。在戶部南。兵部。在禮部南。工部。在兵部南。刑部。在太平門外。都察院。在太平門外。通政司。在

長安右門外公生門南。太常司。在後軍都督府南。詹事府。在翰林院南。應天府。在舊內西錦綉坊內。元御史大夫宅。光祿司。在

內城西。翰林院。在長安左門外公生門南。太醫院。在詹事府南。欽天監。在太常司西其測候臺在鷄鳴山。欽天回回監。在聚寶

門外其測候臺在聚寶山。五軍斷事官。在太平門外。五城兵馬司。中城在今內橋北。六朝舊內門基。東城。在工部東

西城。在三山門外西關北街。北城。在更鼓樓北。南城。在聚寶門外。上元縣。宋在城東隅。今仍舊治。江寧縣。舊在聚寶門外西

街越城之側。今徙銀作坊內。係舊府治。行人司。在會同館西北。儀禮司。在長安街內南。僧錄司。在天禧寺。道錄司。在朝天宮。

鑄印局。在禮部門內南。文思院。在大中街西。營格所。在栢川橋北。宣課司。一在聚寶門外。一在龍江關。都稅司。在大中街。巡檢司。一在江東渡。一在龍江渡。茶引所。在都稅司東。抽分場。一在瓦屑堤。一在龍江關。教坊司。在行人司南。武職。中軍都督府。在承天門外御街西。左軍都督府。在中軍都督府南。右軍都督府。在左軍都督府南。前軍都督府。在右軍都督府南。後軍都督府。在前軍都督府南。十二衛。錦衣衛。旗手旗金吾前衛。金吾後衛。羽林左衛。羽林右衛。府軍衛。府軍左衛。府軍右衛。府軍前衛。府軍後衛。虎賁左衛。在京各衛。神策衛。虎賁右衛。統騎右衛。天策衛。豹韜衛。飛熊衛。鷹揚衛。廣武衛。典武衛。英武衛。龍驤衛。留守中衛。留守左衛。留守右衛。留守前衛。留守後衛。藩陽左衛。藩陽右衛。龍江左衛。龍江右衛。水軍左衛。水軍右衛。廣洋衛。龍虎衛。鎮南衛。江陰衛。應天衛。和陽衛。武德衛。橫海衛。教場。在慶舟山南。即晉成帝北郊壇基。文武官朝房。在長街左右門外南北街。倉庫司局。鑿駕庫。在長

安左門外。軍儲倉。在鼓樓西馬鞍山下及各衛營。黃冊庫。在玄
 武湖洲上。火藥局。在淮清橋街北舊馬公洞基。資源局。在大藥
 局東。鞍轡皮作軍器類料等局。在太平街西。
 橋梁。大中橋。即古之白下橋也。在通濟門裏今名大中橋。淮清橋。
 在大中橋西南一里許通泰水舊名東水開。今名淮清橋。鎮淮橋。
 在聚寶門裏。吳特南津橋也。名曰朱雀航。今名鎮淮。新橋。在今雜仗
 一坊駝騎衛口。本名萬歲橋。又改名飲虹橋。新橋。乃吳特所名。至今俗呼
 為新橋。襲其舊也。內橋。舊名天津橋。又名虹橋。即六朝舊內門也。在
 宋行宮前。今名內橋。在中城兵馬指揮司西南。太平橋。在鼎新橋東。
 與建安坊相對。舊名欽化。又呼筮橋。古傳茅山筮宗師所建。宋改太平橋。
 今因名之。鼎新橋。在太平橋西。舊名小新橋。宋改鼎新。今因名焉。
 大市橋。在中城兵馬司西。舊名西虹橋。今名大市橋。會同橋。在大
 市橋南。舊名閃駕橋。宋名景定橋。今名會同橋。跨運漕水。昇平橋。舊
 名東虹橋。在上元縣西。今名昇平橋。乾道南北二橋。在今斗門橋北。
 二橋相望。即古運漕水道。今仍舊名。高橋。在通濟門外。吳皋伯通所
 建。因名其橋曰皋。後人轉皋為高。今因之。斗門橋。在今三山街近三